

Anne derschreckliche Geschichte

Eemo, a an Dobde, soaß Haußgs Benjemin ganz mottre-
feelnalleene a dr Stubm und loas a an Bichl. Seine
Friederike woar ver a boar Dagn as Land gang'. 's woar
ganz stölle, ock dr gruße, ahle Seegr, dar mit senn gahln
Gehäuse zwischen dr Stubbdiere und 'n Gloasschranke stiehn
toat, machte sei Dickedacke, sunst ruhr'ch nischt, goarnischt.

Doas Bichl woar a Gespanstrbichl, oallerlee unheimlich
Zeug stoand doohinne, woas'ch doo und durt a dr Walt
dergang hoann selle.

Haußgs Benjemin loas und loas und de Gänsehaut
stan'n eemo dms anner! Schunt ibb a niedr drschin Ge-
schichte oafing, hutt a de Berdr- und de Hindrdiere feste
zugeschluffn und o no geriegelt und oalländchn dernooch-
gesahn, doasß kee Fanstr mieh uffestoand. 's wohnte sinst
kee Mentsch mieh an Hause. De Fanstrloadn hoat a o zu-
gerockt, doasß dr Mond, dar su neuschierch durch de Abbl-
beeme guckte, ne sahn selle, woas a doo fer schrecklich Zeug
lasn tát! Und Haußgs Benjemin loas und loas! Ver Zeit
ze Zeit toat a an tiffm Dodnzug, derno woarsch wiedr anne
gruße Weile, os braucht a iehrhaubt kenn Dodn, denn a
mößt'n o a h a h l n, su gruslg woar doas, woas a loas! Woas
oalls fer Gespanstr gahn tutt a dr Walt und uhf wie völlerlee
Dartn und Fleckln 's scheechn tutt, sellt mer goarne gleebm!
Abm woarrn wiedr uhfs neue a eiskahr Schaur 'n Buckl
nuff kruchn, os a uhffstoand und 'ch senn woarm' Schoof-
pelz oazug, denn 's froist enn wörflich, wemmer sicke Sachn
lasn tutt! Doo fing dr ahle Seegr oa ze schnoarrn und
schlug su ganz gemiedlich Schlag uhf Schlag Zwelfe! Doas
woar de Geistrstunde und gleidruhf toat se o de Rörchuhr
schloin. Nu woar drschtert raicht de rächtge Stimmung ze
su an Gespanstrbichl!

Haußgs Benjemin sözt wiedr ver dr Loampe, iehr sei
Bichl gebeegt, und list und list. Doo —: pardauß! krach!